

Дундговь аймгийн Засаг даргын Эрчим хүчний сайдтай 2023 онд хамтран ажиллах гэрээний жилийн эцсийн хэрэгжилтэд хяналт шинжилгээ, үнэлгээ хийсэн ажлын тайлан

2023 оны 11 дүгээр сарын 30

Мандалговь хот

НЭГ. ХЯНАЛТ-ШИНЖИЛГЭЭ, ҮНЭЛГЭЭНИЙ ЗОРИЛГО

Эрчим хүчний сайдтай аймгийн Засаг даргын байгуулсан хамтран ажиллах гэрээний хэрэгжилтэд хяналт-шинжилгээ, үнэлгээ хийж, үйл ажиллагааны гүйцэтгэлийн үр дүнг хянах, үнэлэх, дүгнэлт зөвлөмж гаргах, үйл ажиллагааны төлөвлөлт, хэрэгжилт, тайлагналтыг сайжруулж, цаашид гарах үр дүн, үр нөлөөг нэмэгдүүлэхэд оршино.


ХОЁР.ХЯНАЛТ ШИНЖИЛГЭЭ, ҮНЭЛГЭЭНИЙ ҮНДЭСЛЭЛ, АРГА ЗҮЙ

Эрчим хүчний сайдтай байгуулсан аймгийн Засаг даргын хамтран ажиллах гэрээний 2023 оны жилийн эцсийн хэрэгжилтэд хяналт-шинжилгээ, үнэлгээг Засгийн газрын 2020 оны 206 дугаар тогтоолоор баталсан “Бодлогын баримт бичгийн хэрэгжилт болон захиргааны байгууллагын үйл ажиллагаанд хяналт-шинжилгээ, үнэлгээ хийх нийтлэг журам”-ын 6.2-т заасан арга зүйгээр Хөгжлийн бодлого, төлөвлөлт, хөрөнгө оруулалтын хэлтсээс ирүүлсэн тайланд үндэслэн хяналт-шинжилгээ, үнэлгээ хийлээ.

Эрчим хүчний сайдтай аймгийн Засаг даргын байгуулсан хамтран ажиллах гэрээний 2023 оны эхний хагас жилийн хэрэгжилтийн явцад хяналт-шинжилгээ, үнэлгээг хийж хэрэгжилт удаашралтай арга хэмжээний жагсаалтыг гарган холбогдох хэлтэст хүргүүлэн цаашид анхаарах асуудал дээр өгч ажилласан.


ГУРАВ.ХЯНАЛТ-ШИНЖИЛГЭЭ, ҮНЭЛГЭЭНИЙ ҮР ДҮН

Аймгийн Засаг дарга хамтран ажиллах гэрээгээр 20 үүргийг хүлээж, үүргийг орон нутагт хэрэгжүүлэх төлөвлөгөө гарган үр дүнг тооцож ажилласнаар жилийн эцсийн байдлаар төлөвлөгөөний хэрэгжилт 94.7 хувьтай байна. Нийт 21 арга хэмжээг төлөвлөн хэрэгжүүлэхээс 18 арга хэмжээ 100 хувь, 1 арга хэмжээ 95 хувь, 1 арга хэмжээ 0 хувьтай хэрэгжүүлсэн байна.



ҮР ДҮНТЭЙ ХЭРЭГЖСЭН ОНЦЛОХ АЖЛУУД:

Дэлхийн банкны 5.8 тэрбум төгрөгийн санхүүжилтэй “Эрчим хүчний төсөл-2” хүрээнд Дундговь аймгийн цахилгаан түгээх сүлжээ салбарын 6, 0.4 кВ-ын хүчдэлийн түгээх сүлжээг шинэчлэх, цахилгаан хангамжийг сайжруулах ажлын гүйцэтгэгчээр Проект Ватт ХХК нь 6кВ-ын 18км ЦДАШ, 6,3км КШ, 0.4кВ-ын 52км СИП шугам бүхий ЦДАШ, 3км КШ, 9ком КТПН маягийн дэд өртөө, ахуйн хэрэглэгчдийн 5800ш, ҮААН-ийн 400 хэрэглэгчийг ухаалаг тоолуураар 100 хувь сольж 2023 оны 7 дугаар сард улсын комисст өгч Дундговь цахилгаан түгээх сүлжээ салбарт хүлээлгэн өгсөн.



2023 оны орон нутгийн хөгжлийн сангаас 133.8 сая төгрөгийн хөрөнгө оруулалтаар Сайнцагаан сумын 12 айлын 15-р байрны гадна пасадны засварын ажлыг хийж дуусган барилгын дулаан алдагдлыг бууруулсан.



Эрчим хүчний яам “10 аймгийн төвд дулааны станц барих төсөл”-ийн төслийн хүрээнд Дундговь аймгийн дулааны станцын суурийн ажил 2022 оны 10 дугаар сард хийж дуусгасан. 2023 оны 04 дүгээр сарын 12-нд зуухны тоног төхөөрөмж бууж ажил эхэлсэн. Барилга угсралтын талбайд 2 зуухны краказны угсралт дууссан, 2 зуухны агаар халаагчийн 1,2 дугаар үе болон экономайзерын 1 дүгээр үе, зуухны шат тавцан хийгдсэн, зуух №1,2-ын нүүрний коллекторийн хоолой болон буух хоолойн угсралтын ажил дууссан.Түлш хүлээн авах конвейер №1,2 бутлуур, утаа сорогч,



цахилгааны дэд станцын барилгын ажил хийгдэж өвлийн бэлтгэл ажлаа хийж барилга угсралтын ажил 36.8 хувьтай байгаа бөгөөд 2023 онд хийгдэх төсөвт өртөгийн ажил хийгдсэн байна.

ДӨРӨВ. ДҮГНЭЛТ

Засгийн газрын зарим чиг үүргийг орон нутагт төлөөлөн хэрэгжүүлэх арга хэмжээний Эрчим хүчний салбарын хүрээнд хэрэгжүүлэх арга хэмжээний төлөвлөгөөний жилийн эцсийн хэрэгжилтэд хяналт шинжилгээ, үнэлгээ хийж, үр дүнг 94.7 хувь буюу “Тодорхой үр дүнд хүрсэн” гэж үнэлж үнэлгээний саналыг хүргүүлж байна.

Эхний хагас жилд явцын хяналт-шинжилгээг хийхэд 73.3 хувьтай байсан бол жилийн эцсээр 21.4 хувиар ахисан үзүүлэлттэй байна.

Гэрээгээр хүлээсэн үүргийн хүрээнд 6.7 тэр бум төгрөгийн зарцуулан хэрэгжүүлсэн байна. Үүнд орон нутгийн төсөв 133.8 сая, байгууллагын төсөв 830,0 сая, гадаадын зээл тусламжаар 5.8 тэр бум төгрөгийн хөрөнгө оруулалт хийгдсэн.

Эрчим хүчний яамны сайдтай аймгийн Засаг даргын байгуулсан гэрээний үүргийг орон нутагт хэрэгжүүлэн ажиллахаар 21 заалт бүхий төлөвлөгөө гарган хэрэгжүүлэн ажилласан бөгөөд үр дүнгүй хэрэгжсэн 1 заалт байгаа нь Дундговь аймгийн Төрийн болон орон нутгийн өмчит, төсөвт байгууллагууд нь дулааны тоолуур суурилуулахад шаардагдах хөрөнгийг холбогдох яамдад шийдвэрлүүлэхээр хүсэлт хүргүүлсэн боловч улсын төсөвт тусгагдаагүй тул ажил хийгдээгүй байна.

Цаашид гэрээний үүрэгт тухайн жилд хэрэгжиж болохуйц, шалгуур үзүүлэлт нь тодорхой, хэмжигдэхүйц үр дүнтэй арга хэмжээг тусгаж төлөвлөх шаардлагатай гэж үзэж байна.

ТАВ. ЗӨВЛӨМЖ

Хөгжлийн бодлого, төлөвлөлт, хөрөнгө оруулалтын хэлтэст:

1. Гэрээнд тусгагдсан үүргийн хэрэгжүүлэх арга хэмжээг төлөвлөхдөө суурь түвшин, хүрэх түвшин бодитой судалгаанд үндэслэн тодорхойлох
2. Тайланг гаргахдаа шалгуур үзүүлэлтийн дагуу хүрэх түвшинд хүрсэн эсэхийг тайлагнахаас гадна үр дүн, үр нөлөөний талаар тайлагнаж хэвших мөн нотлох баримтыг тайланд хавсаргаж байх
3. Дараа оны гэрээний төсөлд төсөв хөрөнгө нь тодорхой ажлуудыг тусгах саналыг яам руу уламжлах

Баталгаажуулсан:

Аймгийн Засаг дарга

Хянасан:

Хяналт шинжилгээ, үнэлгээний хэлтсийн дарга

Тайлан бичсэн:

Хяналт шинжилгээ, үнэлгээний

хэлтсийн ахлах мэргэжилтэн



[Handwritten signature]
Д.Мөнхбат

[Handwritten signature]
Д.Даариймаа

[Handwritten signature]
Э.Одончимэг